

**E POSICION FINANCIERO DI BCA
A MEHORA SIGNIFICANTEMENTE
NA 2024, EMPUHA TAMBE DOOR
DI UN MIHOR PRESTACION
ECONOMICO DI ARUBA**



WWW.SOLODIPUEBLO.COM



SOLODIPUEBLO@GMAIL.COM

**Sospechoso no a presenta den Corte pa e caso
HUES A RECLAMA FISCAL PA A LAGA
SOSPECHOSO DI INTENTO DI MATA LIBER**

**ATROBE GLENN THODÉ TA
DEFENDE PODER
ENBES DI PUEBLO**



**POLIS DI ORANJESTAD A
REPARTI 59 MULTA DURANTE
CONTROL DI TRAFICO**



**"EMAN NO TA CUMPLI CU
LOKE E A BISA PARLAMENTO
RIBA RIJKSWET"**



Awo cu 2 florin mas, bo por gana e MEGA PLUS

*** Afl. 1.925.000,-**

*** Afl. 1.250.000,- + Afl. 675.000,-
extra**



HUNGA AWO

Benta ta sera 7:30 pm y sorteo ta hunga 7:45 pm



Parlamentario Edgard Vrolijk:

GESCHILLENREGELING TA ZOEK

Durante un reunion di comision di Reino dia 8 di juli 2025 unda a bin hunto pa papia di punto importante cu lo por bay riba agenda di IPKO y Tripartiet. Pero ora a puntra pa pone Geschillenregeling riba agenda, e Presidente di Parlamento Sr. Marlon Sneek a notifica cu a manda e ley caba pa Gobierno manda esaki pa Rijksministerraad. Pero e pregunta ta unda esaki ta?

No tin transparencia riba Geschillenregeling

Mi persona a keda babuca pa e falta di transparencia. Con por manda esaki pa Gobierno sin notifica e miembran di Parlamento y principalmente esnan di comision di Reino? Enberdad e ley aki ta un ley cu sr Ady Thijsen a encamina y cu mi persona como ex Presidente a continua, a logra termina esaki y a haya sosten na final di augustus 2024 di tanto Corsou y Sint Maarten pa cuminsa e proceso di manda esaki pa Ministerraad. Lamentablemente ora bo

partner ta zwak y a ser manipula pa esnan den Gobierno awe, a bin cambio den Presidencia, pero esaki no tabata interesa den sigui procesonan pero pa tranca cos y purba persigui y atacha hende. Y awo diripiente sin notificacion, Presidente Sr Marlon Sneek a manda esaki pa Gobierno.

E-mail tras di E-mail pa Presidente sr Marlon Sneek

Despues di varios email manda porfin mi persona por a bin haya documentacion cu desde 12 di juni 2025 a manda esaki pa Gobierno pa manda esaki Rijksministerraad. Pero esaki a perde na camina paso nunca a yega su destino pa e por cuminsa e proceso legislativo skirbi den Statuto di Reino.

Excusa fofo di Presidente sr Marlon Sneek

Durante e mesun reunion di 8 juli 2025 presidente actual sr. Marlon Sneek a duna cu kisas e ta tarda y hasta dificil pa entrega paso no tin Minister Plenipotencario. Pero straño ta cu e Rijkswet HOFA si

desde 13 di augustus 2025 a yega Rijksministerraad y cu 29 di augustus 2025 a ser aproba den Rijksministerraad sin cu Parlamento a haya un bista den esaki of por a ser informa manera a ser palabra den reunion cera di 4 di juli 2025 cu lo bin Parlamento prome cu tuma cualkier decision paso ainda e ley ta leu di cla.

Pakico a scoge pa no entrega esaki?

E ley di Geschillenregeling ta brinda proteccion na tur pais den Reino contra entre otro decision tuma den un Rijkswet. Pues e paisnan por pidi Raad van State un conseho riba e decision y e decision cu ser duna di parti di Raad van State tin di ser sigui. Cu otro palabra, no por desvia di esaki y ta brinda seguridad den Reino cu no tin abuso di poder. Pero ta logico cu no a entrega esaki y a scoge pa Kroonberoep den e ley di HOFA unda cu decisionan tuma cu bay Raad van State y cu no ta na favor di Hulanda e por desvia di esaki.

Pues un biaha mas botawak



escogencia cu ta bay contra Statuto articulo 12a pa tin un Geschillenregeling pa proteha e paisnan principalmente esnan chikito di abuso di poder pero FUTURO y AVP ta scoge pa duna Hulanda e poder di por sigui deshaci y desvia hasta di conseho di Raad van State cu ta lamentabel.

Pa termina mi ta lamenta e postura di FUTURO y AVP den Parlamento di

Aruba, unda cu decision di Parlamento di Aruba completo hunto cu Parlamento di Corsou y Sint Maarten ta ser poni un banda pa Gobierno di Aruba sin consulta cu Parlamento. En cambio nan ta scoge Kroonberoep na favor di Hulanda den disputa cu islanan den Reino y unda un biaha mas ta scoge pa aumenta e deficit democratico en bes di haci esaki mas chikito den Reino.

CAMBIA PERSPECTIVA TOCANTE OBESIDAD: SA BO NUMBER Y MIDI BO PESO



Cuerpo Policial Aruba ta Informa

POLIS DI ORANJESTAD A REPARTI 59 MULTA DURANTE CONTROL DI TRAFICO



Diaranson polisnan di distrito di Oranjestad a tene un control den trafico.

Esaki a tuma lugar di 4'or

atardi pa 11'or anochi. E control a tuma na L.G. Smith Blvd na altura di oficina di polis TOP y tambe banda di ex-Old

Fisherman Restaurant.

E control tabata enfoca mas riba maneha cu celular den man.

Polisnan di Oranjestad hunto cu personal di Unidad Motorisa a para mas o menos 200 auto y a reparti un total di 59 multa.

Entre otro; 54 multa maneha cu celular den man, 3 multa pa safety-belt



y 2 multa pa maneha sin helm.

Cuerpo Policial ta keda

enfoca riba e seguridad den trafico y lo keda haci e controlnan aki.

Candela grandi Na Refineria: Coordinacion Rapido Ta Evita Desastre

POLIS, BRANDWEER Y CMO A COORDINA CANDELA GRANDI RIBA TERENO DI REFINERIA

SANTA CRUZ, ARUBA: Diaranson den oranan di mainta Central di Polis ta wordo notifica cu tin un candela den cura di refineria cerca di e panelnan solar na San Nicolas.

Ta despacha Polis como tambe Brandweer na e sitio. Na yegada ta topa enberdad cu un candela bastante grandi. Mirando e situacion di candela y huma OVD di Brandweer a informa Polis pa seguridad di e habitantenan den vecindario pa avisanan pa bay un otro sitio sigur t'e ora cu e situacion di candela ta bou control y despues por bolbe cas bek. Polis cera diferente caminda den vecindario

pa asina evita cu mirones y trafico por yega cerca pa nan propio seguridad como tambe e unidadnan di emergencia por mobilisa liber. Brandweer a mobilisa mayoria di nan unidadnan y personal na e sitio pa combati e candela como ta Polis.

A dura un rato pero a logra domina e candela. No a dura muchu cu den oranan di merdia e biento tabata hopi fuerte di cual a pone cu e yerbanan a cende na candela bek. Un otro parti di e tereno cu tabata tin mas yerba seco a pega mesora na candela. Den algun minuut vlamnan grandi compaña cu huma a bolbe bek riba e tereno. E candela tabata asina grandi cu mester a bay over

pa traha strategicamente hunto cu otro partners pa seguridad di tanto hende como e refineria.

Di biaha OVD Brandweer conhuntamente cu Officier van Dienst di Polis a reuni hunto cu personal di Crisis Management Office (CMO) pa asina evalua y wak na unda tur mester cera por ehempel caminda y si mester pa pidi habitantenan bandona nan cas pa nan propio seguridad.

Polis a activa Commando Mobile di e forma aki por a traha hunto strategicamente. Tambe a haci uzo di Drones pa por tin un bista mas amplio di e situacion di candela for di aire.



Despues di oranan largo cu Brandweer a combati e candela pa 4:30 di atardi a bolbe reuni y evalua e situacion. Por a bisa cu e situacion tabata bou control y e habitantenan cu a bandona nan cas por bolbe bek nan cas.

Ta haci un apelacion na e habitantenan cu a wordo afecta pa e huma pa corda habri porta y bentana di

cas. Di e forma aki biento por pasa dor di e cas pa ventilacion fresco pa saca e holor di huma. Despues por cera e cas bek ora ta necesario.

Tur departamentonan a traha hopi bon cu otro y e coordinacion tabata sublime pa asina combati e candela. Por a bisa na final di un dia largo Cuerpo di Bombero a logra domina e candela totalmente.



NoticiadiCorte

Sospechoso no a presenta den Corte pa e caso **HUES A RECLAMA FISCAL PA A LAGA** **SOSPECHOSO DI INTENTO DI MATA LIBER**

ORANJESTAD – Awe mainta Hues a keda asombra cu e homber H.R. (Flint) (57), sospechoso di intento di mata y maltrato severo, no a presenta den Corte. Hues kier pa H.R. ta para su dilanti pa e caso, mirando cu H.R. ta un conoci di Polis y e tin un condena caba pa a mata hende. Abogado mr. Mohamed a bisa Hues cu e no a haya H.R. pa papia cun'e pasobra H.R. no tin un lugar fiho pa biba.

SOLO DI PUEBLO por a compronde cu Hues a reclama Fiscal con por ta posibel cu Fiscal a laga e sospechoso bay liber for KIA, sin cu Hues a dicidi esaki. Hues ta haya cu no ta sigui e procedura legal manera ta para den ley.

ACUSACION

Fiscal a bisa Hues pa trata e caso sin cu H.R. ta presente. E acusacion cu Fiscal a presente contra H.R. ta cu riba 24 Juni 2024, el a purba mata un homber y subsidiario e ta wordo acusa di maltrato pisa. Ta asina cu H.R. lo a hinca un homber cu cuchiu.

HUES A RECLAMA FISCAL

Hues a remarca na Fiscal, con por ta posibel cu H.R. ta liber. Ta asina cu H.R. ta un conoci di Polis cu un carchi di castigo largo y hasta tin un condena pa a mata hende den pasado.

Fiscal a bisa Hues cu esey ta un procedura cu ta siguiendo na KIA. Hues a remarca cu con por ta posibel cu Fiscal a laga H.R. liber sin cu Hues a ordena esey. Hues a mostra cu

segun e ley Penal nobo, Fiscal por pidi pa laga un sospechoso liber pero ta Hues ta dicidi si e sospechoso ta bay liber of no. Sin cu Hues a tuma un decision, a laga H.R. liber y awor e no ta presente den Corte pa para responsabel pa loke el a haci.

ORDEN DI DETENCION DI SOSPECHOSO

Hues a bisa cu e ta haya cu e caso aki ta serio y mirando H.R. su carchi di castigo largo, lo ta mihor pospone e caso. Hues a bisa cu den e caso aki e lo pidi Polis pa busca H.R., detene, pa asina trece H.R. Corte pa tratamiento di e caso.

Hues a dicidi cu ta pospone e caso pa 23 October 2025. Hues a duna orden di detencion di H.R. y hiba H.R. Corte.

ATIA - UN TAZA DI INTERES ABAO RIBA ARUBA SU DEBE, LO BENIFICIA NOS TUR!

Oranjestad: Na 2023, ATIA a publica diferente articulo riba e topico di "Rijkswet", semper enfocando riba e parti financiero y no politico. A informa por ehempel, cuanto Pais Aruba lo por scapa cu un taza di interes mas abao pa cu e fianza di "COVID" di aproximadamente Afl. 916 miyon.

Door cu Aruba no a cumpli cu e "deadline" pa entrega e Rijkswet na Tweede Kamer promer cu 1 di mei 2025, Gobierno di Hulanda a subi e taza di interes di 5.1% pa 6.9% costando Aruba casi Afl. 7 miyon extra na interes na 2025, placa cu nos tur ta paga via di nos sistema di impuesto. ATIA a compronde cu si Gobiernonan di Aruba y

Hulanda yega na otro, e taza di interes di "COVID" lo baha na entre 3.2 pa 3.4%, cual ta mas cu mitar di e taza cu nos tin awo. Esaki lo scapa Aruba MIYONES na interes! Ademas, Hulanda lo refinancia otro debenan internacional, valora na mas o menos Afl. 1 biyon (1,000 miyon) na mes un taza di interes abao ora e debenan aki madura den e proximo añanan. Interes cu pais Aruba ta pagando awo riba nos debe internacional ta core entre 5.5% y 6.5%, cu ta costa Land Aruba miyones na interes pa aña. Pues cu un taza di interes na aproximadamente 3.4%, lo beneficia Pais Arubay nos tur.

No ta un secreto publico cu interes ta un di e pesonan mas grandi riba Aruba su presupuesto anual. Pues loke nos a purba splica akiriba ta, cu si bin un reduccion den taza di interes Aruba lo scapa miyones pa aña na interes. Placa cu lo por wordo usa parcialmente pa baha debe nacional mas liher cu lo baha interes mas ainda y hasi inversionnan di capital pa Pais Aruba, cu lo ta den infraestructura, educacion, tecnologia y problemanan social. Y semper e soño lo keda cu den futuro lo por baha e peso di impuesto pa NOS TUR!

Pues preguntanan cu ATIA a hasi den pasado, y cu nunca nos por a haya



un splicacion concreto riba dje, ta: Kico ta e diferencia cu e ley di supervision cu tin awo, compara cu un Rijkswet? Esaki ta bon pa nos mandatarionan splica esaki na pueblo, paso tin supervision financiero caba desde 2015.

Bahando e taza di interes riba Gobierno su Debe Nacional lo por trece un alivio pa comercio y pueblo en general, pasobra menos interes y mas inversion, a lo largo lotrece cu ne un mehoracion den costo di bida pa nos tur.

Parlamentario Rocco Tjon:

"EMAN NO TA CUMPLI CU LOKE E A BISA PARLAMENTO RIBA RIJKSWET"



E notulen di e reunion tras di porta cera a yega y ta den nos man. For di e notulen aki por lesa cu Mike Eman a priminti cu lo bin Parlamento prome cu tuma cualkier paso.

Sr. Eman a indica cu ainda e no a negocia cu e secretario di estado nobo y cu ta na augustus e ta pensa cu e reunion aki lo tuma lugar riba nivel politico. Y ta despues di e reunion aki e lo tin un concepto final y lo bin Parlamento pa busca pensamiento di Parlamento.

Sinembargo Mike Eman a tuma tur 21 Parlamentario haci y a entrega tur cos den man di Hulanda riba 13 di augustus, sin bin busca e sentimentonan di Parlamento.

E proceder aki di parti di Gobierno ta caracteriza nan forma manipulativo di traha y sin transparencia.

NON-PROFIT LEADERSHIP AND GOVERNANCE CONFERENCE

Heart + Knowledge for Community Work

Keynote Speaker

Mr. Michael D. Layton, Ph.D

Dorothy A. Johnson Center for Philanthropy - USA

Speakers

- **Hellen van der Wal** - Corporate Governance Implementation Team
- **Robbert Kroon** - Galan Group Curaçao
- **Edward Erasmus** - University of Aruba
- **Gyonne Goedhoop** - Kreashon Konstante
- **Jose Sommers** - Foresee Foundation St. Maarten

September 27, 2025

Hyatt Regency Aruba | 8:30 am - 4:30 pm

AWG 50

For two representatives
per registered organization.



Scan to register!



GOVERNADOR BOEKHOUDT A BISHITA GABINETE DI ARUBA

Den Haag – Gobernador di Aruba S.E. Alfonso Boekhoudt a haci awe diahuebs 11 di september un bishita oficial na Gabinete di Aruba. Gobernador Boekhoudt a keda ricibi pa director Joselin Croes LL.M/M.Sc y personal di Gabinete di Aruba.

Gobernador di Aruba
a wordo acompaña pa
director di Gabinete di
Gobernador Laurens

Warnink y adjudante di
Gobernador Frank Plomp.

Gobernador di Aruba ta na Hulanda pa un bishita di trabao. Gobernador Boekhoudt entre otro lo presencia diamars 16 di september e apertura di Aña Parlamentario na Hulanda, mihor conoci como Prinsjesdag.

Nota pa redaccion: E
potretnan ta cortesia di
Gabinete di Aruba



AHATA: MENOS OCUPACION CU MAS CAMBER





ORANJESTAD, Aruba
– 11 September 2025:
Aruba Hotel & Tourism
Association (AHATA)
tur luna ta acumula e
cifranan di ocupacion y
prijns di hotelnan. Den
e cifranan di augustus,
Presidente y CEO di
AHATA, Tisa LaSorte, ta
nota cu strategia di enfoca
riba prijs en bes di grado
di ocupacion ainda tin
resultado positivo.

Den e ultimo aña, e cantidad di camber disponibel a crece mientras cu e cantidad di huesped cu ta scoge hotel no a crece. Gerencia di hotel ta sigui priorisa calidad riba cantidad, cobrando prijsnan mas halto cu ultimo añanan. E strategia

aki ainda ta yuda mantene
un entrada stabiel.

Grado di ocupacion na hotel na augustus tabata 9% menos cu aña pasa. Sinembargo, RevPAR (entrada pa camber disponibel) a keda mescos cu 2024 na \$271.51. RevPAR ta e indicador mas importante di e resultado di entrada bruto.

Door di cobra un prijs mas halto, e hotel ainda por mantene un nivel di entrada cu ta sostene empleo, inversion, gastonan creciente, y entrada pa e inversionista. E proyeccion actual pa ocupacion averahe di hotel na 2025 ta 76%, cual ta 6% menos cu grado di ocupacion na 2024.



ATROBE GLENN THODÉ TA DEFENDE PODER ENBES DI PUEBLO

Ryçond Santos do Nascimento

Tito Laclé a saca un relato riba NoticiaCla.com dia 10 di september 2025 den cual e hurista di derecho penal, Glenn Thodé, tabata acusa MEP y PPA di ta haci di un musca un olifante. MEP y PPA ta keha cu gobierno no a informa Parlamento encuanto e contenido di e concepto di rijkswet pa finanzas publico sostenibel (Rijkswet HOFA). Ta te despues cu a logra un acuerdo na nivel gubernamental cu Hulanda, gobierno a informa Parlamento. Segun oposicion, gobierno mester a involucra Parlamento hopi mas tempran den e proceso aki, mas ainda como cu ta trata di un rijkswet cu lo tin consecuencia profundo pa derecho presupuestario (budgetrecht) di Parlamento y pa autonomia di Aruba.

Segun Glenn Thodé oposicion no ta compronde cu awor simplemente tin un tratamiento di un “concepto” cu mester cana su proceso normal di formacion di un rijkswet. Glenn ta bisa cu na su debido tempo, parlamento di Aruba lo tin e oportunidad pa aproba of rechaza e diseño di rijkswet aki. Ademá Glenn ta acusa oposicion di ta incompetente, of al menos di no ta compronde e idioma Hulandes. Asina e ta tuma distancia for di e campaña di firma di MEP pretendiendo cu esey no ta nada mas cu wega emocional y strategia electoral. Asina aki Glenn ta haci comosifuera e ta neutral, pero en realidad e ta uza e tecnica di framing: e kier presenta su mes como un autoridad riba derecho constitucional y haci comosifuera oposicion ta amateur. Loke Glenn ta lubida den su arrogancia ta cu sra. mr. Evelyn Wever-Croes a siña derecho constitucional di Reino no for di buki so, pero durante

añanan largo di practica on the front line.

Tambe Glenn ta haci comosifuera cu e proceso di rijkswet ta husto y cu Parlamento, conforme reglanan di procedimiento, ainda lo haya e chens pa aproba of desapropa e rijkswet. E suposicionnan aki ta totalmente ridiculo. Tur experto den derecho constitucional sa cu precisamente akinan e bos di Parlamento di Aruba ta solamente consultativo, mientras cu e rijkswet ta profundamente invasivo den autonomia di Aruba. Artículo 16 di e Statuut ta expresa: “Het vertegenwoordigende lichaam van het land, waarin de regeling zal gelden, is bevoegd vóór de openbare behandeling van het ontwerp in de Tweede Kamer dit te onderzoeken en zo nodig binnen een daarvoor te bepalen termijn daaromtrent schriftelijk verslag uit te brengen.” Crioyo bisa: e articulo aki no ta duna representante di Pueblo ningun, pero berdaderamente ningun derecho pa aproba of desapropa e rijkswet. E resultado ta cu parlamento ta keda efectivamente elimina for di e wega for di momento cu gobierno ta fiha su posicion na Den Haag. No ta ami a inventa e situacion aki. Tanto na Aruba, Corsou, Sint Maarten y Hulanda hende tin un solo number pa e característica aki: “democratisch deficit”.

Si AVP-FUTURO tabata tuma democracia na serio, gobierno lo a sinti e obligacion pa consulta Parlamento prome cu core bay cera un acuerdo gubernamental cu Hulanda. Precisamente ora cu un rijkswet ta mete den e derecho presupuestario di nos parlamento y ta atacha autonomia, ta logico

cu Parlamento mester wordo involucra for di principio di e proceso. Mas grandi e impacto di un rijkswet ta riba nos autonomia y ordo constitucional interno, mas grandi mester ta e consciencia democratico y patriótico. Parlamento no mag di wordo reduci na e rol inferior di ser consulta despues cu e baca a hoga caba. Compromiso cu democracia ta rekeri duna parlamento e posibilidad real pa eherce influencia desde e inicio. Como cu gobierno ta trapa riba e obligacion aki, e ta mina deliberadamente e confiansa den nos estado di derecho democratico. Hasta gobierno ta mina e legitimidad di e rijkswet mes. By the way: e responsabilidad pa vigila compromiso cu democracia ta conta pa Reino tambe, cu nunca mester a permiti cu e proceso aki ta sigui sin cu gobierno ta consulta parlamento prome.

Ta den e contexto aki nos ta mira claramente cu e argumento di Glenn Thodé no ta cuadra cu e realidad. Su ponencia cu na su debido tempo, parlamento di Aruba lo tin e oportunidad pa aproba of rechaza e diseño di rijkswet aki ta puro nonsense. Ora cu Glenn ta reduci e discusion na un cuestion di fase den e proceso



y confusion linguistico, e ta bruhater pa tapa e nucleo di e problema: e falta di legitimidad democratico di un rijkswet cu ta profundamente intrusivo den nos autonomia. Su framing di e oposicion como emocional of incompetente ta tapa e echo cu e critica di oposicion ta toca precisamente un deficiencia fundamental den e proseso. Mientras cu Glenn kier posiciona su mes como hurista racional cu ta simplemente describi un trayecto formal, e ta ignora e realidad constitucional y politico cu segun Statuut nos Parlamento solamente tin un rol consultativo den e proceso di legislacion di rijkswet. Cu otro palabra parlamento a keda elimina for di e wega. Di e manera aki, Glenn su storia no ta un analisis obhetivo, sino un lembemento na defensa di esun cu tin poder.

Clasificados

SOLODIPUEBLO@GMAIL.COM
CEL. 585 9500

SOLO



CENTRALE BANK VAN ARUBA

E POSICION FINANCIERO DI BCA A MEHORA SIGNIFICANTEMENTE NA 2024, EMPUHA TAMBE DOOR DI UN MIHOR PRESTACION ECONOMICO DI ARUBA

Oranjestad, 11 di september 2025 – Banco Central di Aruba (BCA) ta publica su “Operational Report 2024” y su “Condensed Financial Statements 2024” awe.

Cada aña, BCA ta publica su rapport operacional y e estado financiero condensa di e aña anterior. ofreciendo un bista valioso na “stakeholder”. E rapportnan ta duna un sinopsis di e resultadonan financiero di BCA pa aña 2024 y ta elabora riba e desaroyonan y logronan principal relaciona cu cuater di su responsabilidadnan principal: esta maneho monetario, maneho di reserva, sistema di pago y consehero di Minister di Finanzas. Ademá, e rapport operacional aña 2024 ta ta refleha brevemente riba datonan di personal di BCA y ta destaca e actividadnan operacional y strategico principal pa aña 2024 y su enfoke pa aña 2025. Un resumen tambe ta wordo duna riba con BCA ta wordo dirigi y e forma cu riesgonan clave ta wordo maneha.

E di cinco responsabilidad principal di BCA, esta e supervision y regulacion di e sector financiero di Aruba, ta cubri den e rapport di Supervision di Sector Financiero (FSSR), cu a keda publica dia 23 di juli 2025 y ta disponibel riba e website di BCA.

Record di resultadonan halto te na e fecha aki

BCA a cera aña 2024 cu su resultado financiero netto di mas halto, yegando Afl. 70,4 miyon compara cu Afl. 23,9 miyon den aña 2023. E logro aki tabata principalmente impulsa door di un aumento di 138,6 porciento den entradanan di interes netto te na Afl. 80,9

miyon y a wordo empuha door di un entrada mas halto di e portofolio di inversion, despues di un aumento abrupto di Afl. 510,2 miyon di su inversionnan (den exterior) como tambe di un restructuracion strategico di e portofolio pa mehora rendimiento y reduci riesgo di e tasa di interes na aña 2023 y aña 2024. E ganashinan aki a keda parcialmente compensa door di gastonan di interes mas halto riba depositonan di banco comercial. E balansa di BCA tambe a subi substancialmente, cu activonan total cu a subi cu 29,2 porciento na Afl. 3.490,3 miyon. E crecimiento aki a wordo sostene door reserva di divisa mas halto, un aumento substancial den e balor di e reserva di oro reflehando prijsnan mas halto den mercado y nivelnan di deposito mas grandi. E capital y reservanan di BCA a crece cu 21,1 porciento te na Afl. 29,3 miyon na aña 2024, reflehando e aumento den ganashi no distribui.

Logronan operacional

Banda di un prestacion financiero fuerte na aña 2024, BCA a sigui maneha su gastonan efectivamente, cu gastonan di personal kedando como e categoria di gasto mas grandi, consistente cu aña 2023. Ademá, a logra progreso significativo riba proyectonan strategico, manera publicacion di pronosticonan di BBD riba termino medio pa añanan 2023–2027, fortalece seguridad cibernetico y e revision di e strategia di continuidad di operacion y recuperacion den caso di calamidad.

Na aña 2024, BCA a sigui inverti den e desaroyo di talento di su empleadonan como tambe den participacion di personal y “stakeholder” pa medio di varios sesionnan informativo, reunionnan y conferencianan. Mescos cu añanan anterior, BCA tambe a duna bek na e comunidad di Aruba pa medio di participacion na diferente actividadnan social como tambe pa medio di donacionnan. BCA tambe a contribui ampliamente na desaroya reglanan di maneho pa medio di intercambio di conocimiento, investigacion, publicacion y participacion activo na varios plataforma di “stakeholder” (internacional).

Perspectiva pa aña 2025

Aña 2024 tabata un aña importante pa BCA—no solamente pa loke ta e resultado financiero, pero tambe pa construi un institucion mas fuerte y resiliente pa futuro. BCA lo sigui adapta, innova y sirbi e comunidad di Aruba cu integridad y excelencia. Cu mira pa futuro, BCA lo mantene su enfoke riba ehecucion efectivo di proyectonan strategico. Pa e motibo aki, e lo prepara e di tres plan strategico pa añanan 2026–2030. Cu un fundeshi financiero solido, un vision strategico cla y un forza laboral dedica, BCA ta bon posiciona pa sigui cumpli cu su mandato y sigui aporta na e estabilidad y resiliencia financiero di Aruba.

Interesa pa sa mas? E “Operational Report 2024” y e “Condensed Financial Statements 2024” ta disponibel riba BCA su website entrante awe.

TA IMPORTANTE PA TUMA MEDIDANAN DI PRECAUCION DURANTE DIANAN DI CALOR

Durante e ultimo dianan nos por a tuma nota di un calor extenso, temperatura hopi halto y un solo fuerte. Durante e dianan cu ta sigui comunidad por bay sigui experiencia esaki cu por ta peligroso pa nos salud. Pa combati e fenomeno di naturalesa aki no ta posibel, pero si nos por tuma accion pa proteha nos mes y otronan y tambe preveni consecucionan pa

motibo di e calor extenso.

e calor aki. Ta hopi importante pa vigilanan constantemente y refresca nan curpa pa wanta e temperatura abou y hidrata nan cu suficiente likido pa evita un posibel heatstroke, cu ta un condicion hopi delicado caminda cu e curpa ta stop di soda.

E temperatura di curpa ta sigui subi mas cu 40° grado Celsius y ta perhudica e centro di control cu ta regula e temperatura corporal den nos cerebro. Sintomanan di un



Fraccion di MEP

RICHARD RI-ANGELO TA E PROME
HOBEN PA GANA E PREMIO “HALA DI
SHOCO” DI PARLAMENTO



ORANJESTAD – Diamars mainta durante e apertura di aña parlamentario 2025 – 2026, Parlamento a haci entrega di un plakaat na e hoben Richard Ri-Angelo como e prome ganador di e premio “Hala di Shoco”.

Richard ta un hoben di 18 aña cu tin un gran curason pa su comunidad. Na su edad hoben, Richard tin su propio fruteria y durante su tempo liber e ta un barbero, cual e ta fungi desde e veranda di su mayornan. E hoben aki sigur ta un inspiracion pa nos hobennan cu ta carga e ilusion y gana di prospera den bida. Richard ta un muestra cu nada den bida ta imposibel y si bo pone bo mente y determinacion na loke bo kier logra, bo ta logr’e.

E proyecto cu e hoben aki a bin cune a resulta ganado durante Poder di Hubentud 2023 y cu esaki el a

cumpra regalo pa tur mucha di Casa Cuna. Tambe e ta pela nos grandinan na SABA boluntariamente y aña pasa el a sirbi como coordinado di e kamp di Playa Pabou. E actonan bunita aki ta refleho di con el a wordo lanta y cria na cas, semper cla pa yuda esnan cu tin mester.

Un di Richard su pasionnan ta pa desaroya su mes den e deporte di futbol, y pa esaki el a logra traha duro pa baha hopi peso. Na su edad ya caba el a logra hopi, pero esakinan ta solamente e comienso di hopi mas. Su determinacion ta grandi, e tin un curason grandi y lo duna tur di su mes pa asina e alcanza tur su metanan.

Parlamento di Aruba ta hopi orguyoso di bo, Richard! Nos comunidad tin mester di mas hoben(adulto) manera bo pa sigui empodera nos hubentud.




OPENBAAR
MINISTERIE
ARUBA

Corte di Prome Instancia 15 september 2025

Horario	Sospechoso	Acto Castigabel
08.30	J.C.R.	R. ta wordo acusa di kiebrow ladronicia riba 10 di april 2025.
09.15	T.J.K.A.	K.A. ta wordo acusa di violacion di ley di droga y posesion di un arma di candela den e periodo di 27 di september 2023 pa 11 di mei 2025.
10.15	J.A.H.C.	H.C. ta wordo acusa di intento pa homicidio y menaza cu crimen riba 12 di mei 2025.
13.30	G.U.A.J.P.	P. ta wordo acusa di maltrato y menaza riba 14 di mei 2025 y tambe di stalking di 16 di juli 2024 pa 23 di augustus 2024. E stalking a encera cu el a manda cantidad di biaha- mensahe pa e victima, a yame riba telefon, a pasa na su cas, a kita su coriente di cas, a habri cranchi di cas lage core, a pasa su trabao, a acerke en persona, a persiguiel y a destrui su tirenan di auto, cu e intencion pa oblige pa haci algo of keda sin haci algo of dune miedo.
15.00	E.H.F.C.	C. ta wordo acusa di a viola un persona riba 16 di april 2025.

BRAKE DI TRUCK A LAGA BAY Y ESAKI A BAY DAL TRAS DI 2 AUTO CU HENDENAN HERIDA NA CAMACURI



Diaranson mainta a drenta informe di un accidente cu hende herida na Camacuri, mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di accidente unda un truck su brake a bay completamente y e truck

a bay dal e prome auto un Mitsubishi Lancer hal'e for di caminda unda un persona a resulta herida y despues a bay dal tras di un Kia Rio unda 2 persona a resulta herida.

Na yegada di e ambulansnan nan a atende e victimanan pa hospital.

Clasificados

SOLODIPUEBLO@GMAIL.COM
CEL. 585 9500

SOLO
De Pueblo

CANDELA DI YERBA DEN REFINERIA YEGANDO E TANKINAN TA FORMANDO UN PELIGER DEN REFINERIA



Diaranson mainta a drenta informe di un candela den e refineria pariba di e reserva di fuel y e candela tabata mobilisando rapidamente. Pura pura

bomberonan mester a drenta accion y a pidi refuerso di bomberonan di airport y Tanki Flip e situacion a empeora ora e candela tabata menasa hasta e solarcelnan.

E huma a cuminsa afecta hendenan na Sanicolas ambulans tambe a ser envolvi pa e habitantenan cu tabata ser afecta pa e huma.



BON NOTICIA

BO TA DEN E UNICO IGLESIA DI HESUS PA E REINO DI CIELO OF BO TA DEN UN SECTA CU HENDE A LANTA PA FIERNO?

Bijbel Exodo 24: 7- 8, den e Evangelio aki, Dios Tata a cera e prome Aliansa cu e pueblo di Israel, pa medio di Moises. Bijbel 2 Samuel 7: 16, den e Evangelio aki, Dios Tata a eligi David, pa bira e prome Rey di Israel. Dios Tata a priminti Rey David cu su sucesornan, nan lo ta pa semper encabesa e Reino di Dios. Bijbel Mateo 26: 26 – 28, den e ultima cena Hesus a bisa Su apostelnan: “Boso tur bebe for di e copa di binja aki, esaki ta Mi Sanger, e Sanger cu ta confirma e Aliansa cu Mi ta derama pa hopi hende, pa pordon di pikanan.” Akinan Hesus ta confirma Su Sacrificio y morto na crus, deramando Su Sanger precioso, pa e Aliansa Nobo di Dios Tata, cu ta e pueblo Nobo di Israel. Bijbel Lucas 1: 32 – 33, ta bisa: “Senjor Dios lo duna Hesus e trono di Su antepasado Rey David y te den eternidad lo E ta Rey di e descendientenan di

Jacob y Su Reino lo no tin fin.” Bijbel Mateo 16: 15 – 19: “Hesus a puntra Su apostelnan: Anto boso mes, ta ken boso ta bisa Mi ta? Simon a contesta: Bo ta E Mesias, E Yiu di Dios bibo! Hesus a bis’e: Felis bo ta Simon yiu di Huan, pasobra no ta hende a revela bo esaki, ma Mi Tata cu ta den Cielo. Mi ta bisa bo: Abo ta Pedro (o sea baranca) y riba es baranca aki, lo Mi lanta Mi Iglesia y forsanan di fierno lo no podera di dj’e. Lo Mi duna bo e yabinan di Reino di Cielo y loke bo prohibi na tera, ta prohibi den Cielo tambe y loke bo permiti na tera, lo ta permiti den Cielo tambe.” Akinan Hesus ta bisa bon cla, Mi Iglesia, osea un solo Iglesia y no Iglesiasnan. E demonionan den fierno lo lanta diferente sectanan na mundo, pa podera y pa kibra e Iglesia di Hesus, pero nan lo no logra. Hesus a duna Simon e nomber Pedro, cu ta significa baranca, cabes visibel

di Su Iglesia. Hesus a duna Pedro e yabinan di Reino di Cielo y esaki ta significa, cera of habri e unico portanan pa laga e almanan drenta den Reino di Cielo. Hesus a duna e autoridad na Pedro pa dirigi Su Iglesia, di loke ta permiti y di loke ta prohibi. Bijbel Marco 16: 15 – 16, aki Hesus ta bisa Su apostelnan: “Sali pasa na henter mundo y predica e Evangelio pa henter humanidad.” E palabra, sali pasa na henter mundo y predica e Evangelio pa henter humanidad, ta significa, Universal, Hesus Su Iglesia ta Universal. E Iglesia Universal di Hesus, ta e pueblo Nobo di Israel di Dios Tata den e Aliansa Nobo. Awor, tur e sectanan na mundo y e Hudiunan mes, nan mester kere den Cristo-Hesus y nan mester drenta y bautisa den E Iglesia Universal di Hesus, pa nan por drenta den e Reino di Cielo. Hesus a duna Su apostelnan, Su doctrinan di Gracianan di salvacion pa Iglesia: Bautismo Mateo 28: 19 – 20, Confirmacion Echonan di Apostelnan 2: 1 – 4, Confesion Huan 20: 23,

Eucaristia Lucas 22: 19 – 29, Matrimonio Mateo 19: 4 – 6, Apostolado Marco 3: 13 – 19, Enfermonan Hacobo 5: 14 – 15. Awor puntra boso mes, ta di con tin tanto sectanan na mundo y mientras ta un Iglesia Hesus a lanta? Na anja 1521, Martin Luther, a inventa e teoria di e interpretacion liber di Bijbel. E interpretacion liber aki, a produci 36.000 diferente sectanan y oposicionnan na mundo. Tur e sectanan aki, ta pretende di ta di Hesus. Durante tempo, hopi di nan a lanta nan mesun religionnan y predicando e Bijbel den nan mesun manera y buscando hendenan debil den fe pa sigi nan. di Bijbel Echonan Apostelnan 20: 28 – 30, carta di San

Pablo na su coleganan Apostelnan: “Cuida boso y di henter e rebanjo na cual Spirito Santo a pone boso como Obisponan pa warda e Iglesia di Senjor, na cual E’l a gana cu Su propio Sanger. Mi sabi cu despues di mi partida, lo drenta lobonan feros cu lo no tene compasion cu e rebanjonan y cu denter di boso mes, lo surgi hendenan cu lo sinja doctrinan robes y nan lo gana discipelnan nan tras.” Ta manera cu Hesus a bisa den, Bijbel Mateo 16: 18, cu forsanan di fierno lo purba podera y kibra e Unico Iglesia Universal di Hesus, pero nan lo no logra. Husga pa bo mes. Nunca no ta laat pa compronde e berdad y pa comberti.

Scirbi pa Seferino Tromp

HOTLINE

SOLO Di Pueblo

744-0444

CAPT'E Y MAND'E




Invitacion pa un Tridiüm na Honor di Señor de los Milagros di Buga y Mama Maria Dolorosa



Grupo di nobena y Cas di Oracion “Cu Confiansa y Fe den Señor de Los Milagros di Buga” bou guia di Filomena Croes, Glenda y Shon Pe Krozendijk y nos lidernan Spiritual Reverendo Pastoor Jozef Pelc y Reverendo Diacono Michael Nicolaas di parokia Birgen di Fatima Dakota, ta invita tur fiel deboto, parokianonan y pueblo di Aruba en general pa asisti na Santo Sacrificio di Misa di nos di 20 aña di nos Tridiüm na honor di Señor de Los Milagros di Buga y Mama Maria Dolorosa na Misa Birgen di Fatima na Dakota. Cuminsando Diahuebs 11 september te cu diasabra 13 september 2025 pa 5.45 di atardi cu un Santo Rosario .

Triunfo di e Cruz Glorioso y Fiesta di Señor de Los Milagros di Buga ta diadomingo 14 september 2025, cuminsando cu un Santo Rosario pa 4.45 atardi, sigi pa un Santo Sacrificio di Misa Solem pa 6’or atardi. Musica y canto ta na encargo di koor “Amigonan di Hesus “.

Dialuna 15 september Fiesta di Mama Maria Dolorosa nos Patrona, 6.45 p.m. tin un Santo Sacrificio di Misa Solem pa 7’or di anochi.

Señor de Los Milagros, Bo a skohe nos pa ta Bo pueblo Santo cu Bo ta stima. Yuda nos pa nos bini hunto cu un curason firme, compacion, misericordia, bondad, humildad, y pasenshi. Trece paz y tranquilidad riba mundo henter, especialmente nos dushi pais ARUBA.

FORTIFICANDO E FUTURO DI EDUCACION NA ARUBA

Minister Gerlien Croes di bishita na IPA

Oranjestad, 11 di september 2025 – Durante un bishita inspirativo y informativo na Instituto Pedagogico Arubano (IPA), Minister di Relacionnan den Reino, Educacion, Hubentud, Innovacion y Deporte, mr. Gerlien Croes, a hiba combersacion cu e team di maneho y docentenan riba e rol vital cu IPA tin den forma y desaroyo di nos sistema educativo na e momento aki y pa futuro. Bou guia di Directora General, drs. Marilyn Richardson, e bishita a duna un bista amplio di e vision, oportunidadnan y retonan cu IPA ta enfrenta. Den un atmosfera di dialogo abierto y constructivo, e team di IPA a comparti nan pensamiento y preocupacionnan y tambe nan deseonan. Minister



Gerlien Croes a splica e direccion y metanan pa

Paga bo cuenta online ta facil

Sea
Abonnement
of Aviso



Pa hasi pago online pone nomber y adres na cuenta di banco RBC Sunmax Printing
account # 7700000100152447



futuro di educacion na Aruba y a amplia riba topiconan cu ta di sumo importancia actualmente, entrenan e oferta di programanan cu IPA ta ofrece, cambianan di poblacion na nos scolnan, idioma di instruccion y mucho mas.


Minister Gerlien Croes a enfatisa cu IPA ta e

institucion cu ta carga e responsabilidad principal pa sigui forma nos educadornan. E reunion a enfatisa importancia di dialogo y traha man den man pa logra un sistema educativo moderno, inclusivo y di calidad halto, cu por satisface e necesidadnan cu nos tin pa cu e formacion di nos

mucha- y hobennan y comunidad en general.

E encuentro a conclui cu un sentimiento di cooperacion y inspiracion, y cu un compromiso renoba pa sigui traha riba e transformacion educativo cu Aruba mester pa prepara su comunidad pa e reto y oportunidadnan di futuro.

THE GROOVE MACHINES Y DJ SAMY TA CAUSA IMPACTO MUSICAL



di e musiconan Migi Boss (guitara baho), Idelien Geerman (vocalista), JeanClaude Richardson (Guitara electrico) yAllan Manrique (Drum). E anochi tabata completo cu e talento unico di e hoben Samuel Thijzen alias Dj Samy.

Cu talento asina, ta bisto cu nos artistanan tin tur cos pa score mundialmente.



Poniendo Aruba su artistanan den centro di atencion fin di siman mi tabata di bishita na un hotel local y aki mi a disfruta di e talento di Aruba su artistanan hoben cu ta forma e banda “The Groove Machines”. Nan repertorio

consistiendo di cancionnan manera move like Jagger, si no te hubiera conocido y Valerie di Amy Winehouse a pone tur turista y Arubiano presente aplaudi nan na grandi.

The Groove Machines ta consisti



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia - September 11, 2025

 Sorteo # 4739 1268 2613 5053 X2  Sorteo # 4739 9138 X2  Sorteo # 2795 3767  Sorteo # 4739 3966 Cancer  Sorteo # 1613 388 X3 <tr><td> Sorteo # 0 x Jackpot 0 x Match 4+ 0 x Match 4 0 x Afl. 12,00 </td><td> Joker Letter Proximo Jackpot 675.000,- </td></tr><tr><td> Sorteo # 0 x Jackpot 0 x Match 4 0 x Afl. 8,00 </td><td> Proximo Jackpot 53.000,- </td></tr><tr><td> Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 </td><td> Mega Ball Proximo Jackpot 1.250.000,- </td></tr><tr><td> Afl. 1.925.000,- </td><td></td></tr><tr><td> Sorteo # </td><td></td></tr>	 Sorteo # 0 x Jackpot 0 x Match 4+ 0 x Match 4 0 x Afl. 12,00	Joker Letter Proximo Jackpot 675.000,-	 Sorteo # 0 x Jackpot 0 x Match 4 0 x Afl. 8,00	Proximo Jackpot 53.000,-	 Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00	Mega Ball Proximo Jackpot 1.250.000,-	 Afl. 1.925.000,-		 Sorteo #	
 Sorteo # 0 x Jackpot 0 x Match 4+ 0 x Match 4 0 x Afl. 12,00	Joker Letter Proximo Jackpot 675.000,-									
 Sorteo # 0 x Jackpot 0 x Match 4 0 x Afl. 8,00	Proximo Jackpot 53.000,-									
 Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00	Mega Ball Proximo Jackpot 1.250.000,-									
 Afl. 1.925.000,-										
 Sorteo #										

SOPI DI LETRANAN

Q	S	L	W	S	R	J	L	E	N	G	U	A	J	E	U	V	M	K	I
R	D	R	V	P	G	X	H	Ñ	I	G	R	L	N	R	T	D	T	U	W
V	E	R	B	O	S	X	P	P	Z	M	I	A	Ñ	A	Ñ	T	L	Q	Z
B	N	Y	K	R	T	N	M	B	H	Ñ	Ñ	C	B	Ñ	D	M	V	W	N
S	O	G	N	O	T	C	I	D	L	I	F	I	Q	M	I	Q	E	I	S
J	I	Ñ	A	D	Q	R	R	H	A	N	K	T	S	E	A	J	E	H	M
A	S	O	D	A	T	C	I	D	O	F	B	A	I	A	L	R	C	D	P
S	N	W	H	K	R	I	P	T	N	U	B	M	R	C	O	J	R	E	N
A	E	S	C	R	U	C	I	G	R	A	M	A	S	T	G	M	X	R	Y
X	R	A	A	X	C	C	O	U	L	Q	R	R	K	I	O	U	J	I	I
N	P	P	I	R	I	R	H	I	F	X	D	G	M	V	S	R	W	P	A
O	M	V	Ñ	A	E	L	S	K	Q	O	L	U	C	I	T	R	A	X	F
R	O	C	S	M	P	E	J	S	X	G	K	H	T	D	R	E	M	D	F
E	C	M	U	T	D	C	G	I	Q	A	S	X	D	A	F	O	G	K	U
N	S	N	Z	A	I	T	V	Z	O	A	E	U	K	D	J	D	Q	W	I
E	O	W	O	D	U	U	A	O	M	A	H	J	X	E	F	M	Z	Z	Q
G	T	C	F	Ñ	E	R	M	E	P	Ñ	Y	P	I	S	J	A	F	J	O
M	X	G	J	N	E	A	T	A	Q	S	Y	E	N	C	P	X	Z	X	W
O	E	B	H	X	L	Ñ	Y	X	L	R	G	Ñ	Y	U	F	W	U	B	L
J	T	G	Q	A	Ñ	R	N	M	Z	R	C	D	Y	Ñ	O	L	V	J	M

ACTIVIDADES

ARTICULO

COMPRESION

CRUCIGRAMAS

DIALOGOS

DICTADOS

DICTONGOS

GENERO

GRAMATICA

LECTURA

LENGUAJE

NOTICIAS

NUMERO

SILABAS

TEMAS

TEXTOS

VERBOS

SUDOKU

		8		3		5	4	
3			4		7	9		
4	1				8			2
	4	3	5		2		6	
5								8
	6		3		9	4	1	
1			8				2	7
		5	6		3			4
	2	9		7		8		

8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
	9					4		

							3	9
	8							5
		9		6		8		
		5		9				6
7								
		8	4		6			
		3		8			5	
	2		7			6		
4						1		



Oracion di dia

Un feliz dia bendiciona yena cu gracia di Dios

”Lo Bo ta sacerdote pa semper na e mesun manera cu Melkisedec.”
(Hebreunan 7, 17b)

Ruman aki nos ta mira Hesus cu e titulo Sacerdote/Rey di Husticia pa semper, bunita titulo pa Hesus aunke Hesus no mester di ningun introduccion of titulo paso E ta Dios y Dios ta Amor. Asina mes den Hesus nos por experencia Amor, E Amor Unico cu nos tur ta anhela consciente y inconscientemente nos tur ta anhela di experencia E Amor di Dios.

Ta dificil pa esey sosode? Ta bon pa nos sa cu tur cos ta depende di con habri nos curason ta pa Hesus y con nos ta permiti Spirito Santo move den nos.

Diadomingo nos a scucha cu nos tin e donnan y awor ta keda nos nada mas cu resa y pidi Spirito Santo habri nos curason pa nos experencia y pone e donnan den practica y asina acepta y cumpli cu Dios su boluntad den nos bida y nos biba!

Oracion:Hesus mare nos tur por reconece cu Abo ta nos Rey di Husticia y acerca Bo curason misericordioso pa nos salvacion.
Amen

Minister Geoffrey Wever:

QREATIVE BUSINESS ACADEMY, UN DI E PASONAN CONCRETO PA DESAROYO DI INDUSTRIA CREATIVO NA ARUBA



Oranjestad, 10 september 2025 - Minister di Finansa, Asunto Economico y Sector Primario, mr. Geoffrey Wever den colaboracion cu Qredits Aruba a organisa un bes mas e Qreative Business Academy. Den transcurso di 10 siman e participantenan lo ricibi diferente lectura relaciona cu e industria creativo y “tools” necesario pa maneha nan propio negoshi. Na final cada participante lo desaroya nan plan di negoshi y plan financiero y lo haya e oportunidad pa presenta nan propio idea di un

producto/servicio durante e “Pitch Event”. Banda di e Qreative Business Academy, Minister Geoffrey Wever ta tuma diferente otro pasonan hunto cu partners strategico pa desaroya e industria creativo na Aruba. Desde augustus 2023, riba peticion di Minister Geoffrey Wever, Consejo di Minister a duna aprobacion di e nota di maneho “Development of the Orange Economy in San Nicolas”. A organisa na mei 2024 e prome Orange Economy Symposium na San Nicolas y a haya diferente



input di participantenan na e symposium. Basa riba e input ricibi durante e symposium Minister Wever a anuncia cu hunto cu Qredits Aruba lo bay ofrece e Qreative Business Academy pa duna e comerciante creativo e guia con pa habri y expande un negoshi.

A d i c i o n a l m e n t e Departamento di Asuntonan Economico lo continua pa ofrece e Creative Entrepreneur Workshops como parti di e maneho economico. Tambe tin un Creative Entrepreneurship Fund den preparacion y tambe tin un colaboracion hunto cu Hulanda por medio di e Landspakket tema economia, pa traha riba e industria creativo. Go Cultura Foundation tambe ta un partner strategico den desaroyo di industria creativo na Aruba. Lo sigui duna mas informacion riba e pasonan concreto cu ta tuma pa desaroya e industria creativo na Aruba.

“Crea sectornan economico of diversifica nos economia di manera

diligente ta tuma su tempo y preparacion. Mi ta kere den e potencial di e industria creativo como otro pilar importante di nos economia. Mi ta desea e participantenan di e Qreative Business

Academy hopi exito. Tambe mi ta gradici Qredits Aruba pa ta un partner strategico den e desaroyo di industria creativo na Aruba”, Minister Geoffrey Wever a expresa.

**UN BITTER
DI MAS...
POR
STROBA
BO DI
YEGA CAS.**



E
DESICION TA
DEN BO MAN



Clasificados

SOLODIPUEBLO@GMAIL.COM
CEL. 585 9500

SOLO Di Pueblo

Bob's Car-wash & Service

Balashi 9 B

Cell.# 560-8568
1 Snack Free